



19. - 20. júní

Ráðstefna á Akureyri um atvinnumál kvenna, sjá bls. 4.

9. - 12. júlí

Ráðstefna á Írlandi um nýja tegund stjómunar, sjá bls. 5.

20 - 23. ágúst

Vestnorðæna kvennaráðstefnan á Egilsstöðum, sjá bls. 5.

Fimmtudagar

Vinnufundir um EES-samninginn, upplýsingar hjá starfskonum.

Er einhvers að bíða?

Svo skemmtilega vildi til, að Samband austfískra kvenna hélt fund í næsta húsi við vorfund Kvænnistans laugardaginn 30. maí, svo að Fjörðurinn var fullur af konum, eins og Salóme orðaði það í upphafi fundar. Var ekki laust við að konur syndu til máttar sins, þegar svo mikill fjöldi safnaðist þar saman, og einni datt m.a.s. í hug, að nú væri rétta tækifærin:

Seyðisfjörður er fullur af konum,
svo segurðin magnast að vonum.
Hvað á þetta' að þýða?
Er einhvers að bíða?
Leggjum landsstjórn í fang þessum konum!



Prentað á umhverfisvænan pappír
Stensil hf.



Áb. Kristín Hallgrímsdóttir
Útg. Kvænnalistan, Laugavegi 17
Sími: 97-13725, fax: 97-27560

05.25

Vel heppnað vorþing

„Fjörðurinn er fullur af konum“, sagði Salóme B. Guðmundsdóttir, þegar hún ávarpaði Kvænnalistablómann i upphafi vorþingsins á Seyðisfirði síðstu helgina í mai. Það vildi nefnilega svo til, að Samband austfískra kvenna fundaði líka á Seyðisfirði laugardaginn 30. maí, og áður en þær hurfu til sinna heima komum við saman og sungum svo undir tók í Bjólfinum. Það var mjög sérstakt og skemmtilegt eins og reyndar allt annað þessa helgi.

Birki, brennivín og konfekt

Móttökur austankvenna voru aldeilis frábærar. Flestar fundarkonur komu fljúgandi til Egilsstaða á föstudagskvöld og voru umsvifalaust fluttar út í móa í landi Ekkjufells og látnar gróðursetja birki- og asparhríslur til að skilja nú eitthvað varanlegt eftir sig. Vinnuharkan var pó í algjöru lágmarki, vinnulaunin voru ískalt brennivín og konfekt, og svo var sungin heil söngbók spjaldanna á milli við undirleik á gítar og dragspil. Við svo búið var ekið yfir Fjarðarheiði undir leiðsögn Ingibjargar Hallgríms, sem kunni að segja margar svaðilfarir af sjálfrí sér á þessari heiði. Þótti sú merkust og bera gáfnafari hennar gleggst vitni, þegar hún komst yfir snjóskafli með því að leggja náttkjólinn sinn fyrir hjólin, en mundi ekkert eftir öllum mottunum í bílum!

Meiri hluti hópsins gisti svo hjá Þóru á farfuglaheimilinu Hafoldunni, en nokkrar heldri konur á hótel Snæfelli. Aðalfjörið var náttúrlega á Hafoldunni, og gengu nú ýmsar á varaforða sinn til svefns og hvíldar. Fyrir ókunnuga skal þess getið, að Hafaldan stendur fjarri öðrum húsum, svo bæjarbúar hafa örugglega getað sofið, en reyndar vorum við helst á því að annað hvort hefðu Seyðfirðingar flúið staðinn eða haldið sig innan dyra í skelfingu yfir þessari innrás, því ákaflega fáir sáust á ferli í bænum alla helgina.

Örlög ráðast innan lands

Fundurinn var haldinn í barnaskólanum, og þar beið okkar stærðar vöndur af rauðum rósum, fáni bæjarfélagsins og kort frá bæjarstjórn Seyðisfjarðar. Fyrri hluta laugardagsins var samningurinn um evrópska efnahagssvæðið til umfjöllunar. Þingkonurnar höfðu undirbúið þann lið rækilega og dreifðu hestburði af pappír um hina ýmsu þætti samningsins. Í inngangserindi fjallaði Ingibjörg Sólrún um samrunaþróunina í Evrópu og aðlögun íslensks samfélags að því sem þar er að gerast. Hún gagnrýndi þær hugmyndir, sem liggja til grundvallar EB og þó enn frekar EES, en lagði þó áherslu á, að íslendingar yrðu að aðlaga sig þróuninni í helstu nágrenna- og viðskiptalöndum. Örlög íslensks þjóðfélags myndu hins vegar ráðast af því, hvernig við spiliðum úr því sem við hefðum, þau myndu ráðast hér innan lands, hjálpræðið kæmi ekki að utan. Miklar umræður urðu um þetta mál, og voru konur almennt á þeiri skoðun, að hvorki aðild að EB né EES væri álitlegur kostur fyrir íslendinga, eins og málum væri háttáð í dag.

Nína Helgadóttir, Drífa H. Kristjánsdóttir, Anna Kristín Ólafsdóttir og Þórunn Bjarnadóttir lögðu fram hugmyndir að breyttum starfsháttum í þeim tilgangi að virkja betur grásrotina, en þar finnst mórgum stráum skorta farvegi og hlutverk. Þær leggja til, að framkvæmdaráð verði efti og fengið aukið pólitískt vægi, og þær vilja koma betra skipulagi á bakhópavinnu. Margar vildu leggja orð í belg um þessi mál, og urðu þau engan veginn útrædd, en áfram verður unnið að tillögunum í sumar til umfjöllunar á landsfundi í haust.

Barist um embætti pokkastýru

Um kvöldið var farið í klukkustundar siglingu um Seyðisfjörðinn undir leiðsögn farfugla-Þóru, sem var með glænýtt leiðsöguprófskirteini upp á vasann og kunni frá mórgu að segja. Það voru svo svangar og særoknar konur, sem settust að dýrðlegri máltíð seint um kvöldið og gerðu henni góð skil. Undir borðum las

Ingibjörg Hallgríms okkur pistil um glæstan klæðaburð seyðfirska kvenna fyrr á árum, sem að sjálfsögðu var vel viðeigandi, þar sem Kvennalistakonur eru þekktar fyrir sérstæðan fatasmekk, þokka og glæsimennsku. Þetta kvöld fór einnig fram harðvitug barátta um embætti pokkastýru, sem Hanna Maja hefur gegnt um áraraðir. Unga konumar, sem eru nú sem óðast að reyna að brjótast til valda í Kvennalistanum, sendu Ragnhildi Vigfúsdóttur fram gegn Hönnu Maju, og fylgdust viðstaddir agndofa með viðureign þeirra, sem fölst í hreyfalist og eitruðum skeytasendingum. Úrslitin urðu þau, að Hanna Maja hélt velli, en búast má við, að uppreisnaröflin hugsi valdakonum þegjandi þörfina.

Stækkun sveitarfélaga - betri þjónusta

Á sunnudaginn voru byggðamál í brennidepli. Elísabet Benediktsdóttir, Jóna Valgerður Kristjánsdóttir, Salóme B. Guðmundsdóttir, Guðrún Jónsdóttir og Snæbjörnsdóttir höfðu framsögu um atvinnumál, samgöngur, skólamál, fjarkennslu og sameiningu sveitarfélaga, og urðu líflegar umræður svo lengi sem tíminn leyfði. Konur töldu nauðsyn bera til að sameina sveitarfélög á landsbyggðinni í meira mæli en verið hefur, þar sem fámennið stendur í vegi fyrir eðlilegri þjónustu við íbúana. Nefnd voru dæmi um dagvistarmál og þjónustu við aldraða, sem hægt væri að skipuleggja betur í stærri sveitarfélögum. Sameining ein og sér væri ekki markmiðið, heldur það sem breytingin gæti fært fólkini, betri þjónustu, bættar samgöngur og aukin atvinnutækifæri. Þá var rætt, að vel kæmi til greina að skipta Reykjavík upp í smærri einingar, þar sem núverandi stærð borgarinnar tryggði íbúum ekki þau áhrif á samfélagið sem eðlilegt væri. Í skólamálum var rætt um nauðsyn þess að geta lagað kennsluna að umhverfinu, mismunandi áherslur í dreifbýli og þéttbýli ættu fullan rétt á sér, þótt grunnurinn væri sá sami. Þá var rætt um fjarkennslu, sem stjórnad væri frá framhaldsskólam á landsbyggðinni, en sú leið tryggir mórgum, ekki síst konum, möguleika til að afla sér menntunar í heimabyggð.

Pokkastýrukandídatinn slær í gegn

Eftir lystilegan hádegisverð og helmsókn til Frú Láru og í kirkjuna, sem er sérlega falleg og vel við haldið, bar rútan hópinn astur yfir Fjarðarheiði. Leiðsögn Ragnhildar pokkastýrukandíðats verður ekki með orðum lýst, en bílstjórin mun þegar hafa gert henni tilboð um að gerast meðeigandi í rekstrinum til þess að auka viðskiptin. Hanna Maja er sögð styðja það eindregið. KH